



## SAKSFRAMLEGG

Saksnr:	Utval:	Dato
	Bygdeutviklingsutvalet	

Sakshandsamar:	Arkiv:	ArkivsakID
Tore Henrik Øye	FE-223, FA-V12	22/1158

### HANSAMING AV SØKNAD OM BYGDEUTVIKLINGSMIDLAR TIL INNKJØP AV BORDTENNISBORD - VAKSDAL UNGDOMSKLUBB

#### Vedlagte saksdokument:

Søknad bygdeutviklingsutvalet - Vaksdal ungdomsklubb  
1078\_001

#### Kommunedirektøren sitt framlegg til vedtak:

Vaksdal Ungdomsklubb, v/ Kristine Sæterdal, vert tildelt kr. 15 000,- i bygdeutviklingsmidlar til innkjøp av utandørs bordtennisbord for bruk ved klubblokalet på Vaksdal.

Tilskotet er løyvd som eit fast beløp (eingongstilskot), med utbetaling etter kostnadsdokumentasjon (faktiske kostnadar).

Løyvinga gjeld i to år, fram til og med 01.12.2024. Etter dette fell løyvinga bort.

#### Saksopplysningar:

##### Samandrag/konklusjon (kort om saka)

Bygdeutviklingsmidlane skal leggje til rett for lokal aktivitet, med tildeling frå Bygdeutviklingsutvalet etter innkomne søknadar.

Vaksdal Ungdomsklubb søker om kr. 15 000,- i tilskot til innkjøp av utandørs bordtennisbord for bruk på klubbkveldar og i andre samanhengar.

Kommunedirektøren vurderer at søknaden er i samsvar med tilskotsordninga sitt føremål, og gjer framlegg om løyving i tråd med søknaden. Det er lagt spesiell vekt på at tiltaket er meint for born og unge.

##### Bakgrunn for saka

Bygdeutviklingsutvalet har disponible tilskotsmidlar tilgjengeleg for tildeling.

Vaksdal Ungdomsklubb planlegg innkjøp av nytt bordtennisbord, og søker om kr. 15 000,- i tilskot. Innkjøpet er budsjettert til kr. 15 900, inkl. mva, etter pristilbod, jf. vedlegg.

Bordtennisbordet skal plasserast ute, under tak, ved klubblokalet, og erstatte det gamle. Bordet skal nyttast på klubbkveldar og i andre samanhengar.

Det går fram av søknaden at ungdomsklubben arbeider for å skape eit godt og variert tilbod for born og unge på Vaksdal, der bordtennis er ein av fleire aktivitetar.

Ungdommane sjølve står i stor grad for drifta av ungdomsklubben, med vaksne til stade på klubbkveldane (kvar fredag).

### **Formelt grunnlag:**

- Kommunelova - generelle sakshandsamingsreglar.
- «Retningslinjer for tildeling av midlar frå Bygdeutviklingsutvalet», vedtekne 26.05.20:

[Vaksdal kommune - Retningslinjer for tilskot til bygdeutvikling](#)

### **Vurdering og konsekvensar:**

Søknaden sitt innhald er tilstrekkeleg i høve til bygdeutviklingsmidlane sine retningslinjer.

Tiltaket det vert søkt om midlar til, er i tråd med føremålet som tilskotsordninga skal fremje, med vektlegging at tiltak for born og unge. I dette høvet vert søknaden frå ungdomsklubben prioritert høgt.

Planlagt innkjøp av bordtennisbord er budsjetter til kr. 15 900,- inkl. mva, med kr. 15 000,- i søknadsbeløp ( 94 % i tilskot).

I mange høve vil ein setje krav til eigenfinansiering ved søknad om bygdeutviklingsmidlar, men gjeldande søknad er fremja av ein ungdomsklubb, med stor eigeninnsats i botn for drifta av klubben, og avgrensa tilgang på eigenkapital. Kommunedirektøren meiner difor det er rett og naturleg å leggje opp til ei høg finansiering av planlagt tiltak.

I følgje retningslinjene for tilskotsordninga, skal ein ta omsyn til geografisk fordeling ved tildeling av midlar. Bygda Vaksdal har ved tidlegare høve fått tildelt tilskot, mellom anna til Vaksdal Ungdomsklubb (datautstyr), men i mindre grad enn mange andre bygder. Tidlegare tildelingar vert difor ikkje vektlagt i gjeldande sak.

Kommunedirektøren finn at tiltaket fell saman med Bygdeutviklingsutvalet si presisering ved siste revisjon av retningslinjene, om å vektleggje aktivitetar og opplevingar ved tildeling av midlar.

Kommunedirektøren gjer framlegg om å løyve kr. 15 000,- til innkjøp av bordtennisbord i regi av Vaksdal Ungdomsklubb. Innstillinga er i tråd med søknadsbeløpet.